

**ZAPISNIK SA I KONSTITUIRAJUĆE SJEDNICE UPRAVNOG ODBORA
UDRUŽENJA POSLODAVACA U FBiH**

**održane dana 22.05.2025. godine (četvrtak) i njenog nastavka od 03.09.2025. godine sa
početkom u 12:00 časova u
Hotelu Europa (Vladislava Skarića 5) u Sarajevu**

Na sjednici su prisustvovali članovi Upravnog odbora: Nihad Imširović, Adem Hanić, Bariša Šušnjar, Bahrija Huseinbegović, Berina Bajrović, Damir Vidačak, Džemal Hasković, Edin Emšo, Igor Marković, Katarina Kafadar, Ladislav Bevanda, Mahmut Galijašević, Mujo Hasić, Salih Lemeš i Samir Mustafić.

Sjednici su po ovlaštenju prisustvovali: Nihad Šušnjar (po ovlaštenju Harisa Ćoralića), Mensur Mujkić (po ovlaštenju Nagiba Mujkića).

Na sjednici nisu prisustvovali: Senad Džambić, Tomislav Vrdoljak, Mehta Nikil Himatlal i Zijo Tanjo koji su opravdali svoj izostanak.

Na sjednici su pored članova UO I ESV-a za teritoriju FBiH prisustvovali i članovi predsjedavajući grupacija za djelatnost, kao i predsjednik UO UPKS Suad Ećo.

Ispred UP FBiH sastanku su prisustvovali: Mario Nenadić, direktor, Mersiha Jusić, sekretar i Vedrana Živković, PR.

Dnevni red – I dio (22.05.2025.)

Sjednicu je otvorio Mario Nenadić, predsjednik Upravnog odbora Udruženja poslodavaca i predložio sljedeći:

DNEVNI RED

1. Izbor i imenovanje Predsjednika i dva zamjenika predsjednika Upravnog odbora UPFBiH;
2. Izbor i imenovanje Izvršnog odbora UPFBiH;
3. Tekuća pitanja;

Dnevni red je u potpunosti usvojen.

RASPRAVA PO TAČKAMA DNEVNOG REDA

Tačka 1. Izbor i imenovanje Predsjednika i dva zamjenika predsjednika Upravnog odbora UPFBiH

Predsjedavajući sjednice Mario Nenadić, direktor UPFBiH je upoznao prisutne sa tačkama dnevnog reda. Tom prilikom informirao je prisutne da su za današnju sjednicu pripremljeni

prijedlozi za imenovanje dva zamjenika predsjednika Upravnog odbora i prijedlozi imenovanja za Izvršni odbor, a da stručna služba u nastavku ove sjednice pripremi sve neophodne preduvjete za izbor predsjednika.

Nakon uvodnih napomena direktora Nenadića, zatraženi su prijedlozi za imenovanje dva potpredsjednika.

Predloženi kandidati su Mujo Hasić i Bariša Šušnjar.

Kako nije bilo drugih prijedloga za potpredsjednike, otvorena je rasprava tokom koje su se prisutni izjašnjavali o datim prijedlozima, a također su i predloženi kandidati potvrdili svoje raspoloženje i interes za imenovanje.

Nakon raspave doneseni su sljedeći zaključci:

A.D.1.1. Za zamjenike predsjednika Upravnog odbora Udruženja poslodavaca u FBiH jednoglasno su imenovani :

- Mujo Hasić
- Bariša Šušnjar

Mandat zamjenika predsjednika traje četiri godine, odnosno do isteka mandata Upravnog odbora Udruženja poslodavaca u FBiH.

A.D. 1.2. I konstituirajuća sjednica Upravnog odbora Udruženja poslodavaca u FBiH ostaje otvorena s ciljem izbora predsjednika Upravnog odbora. Zadužuje se stručna služba da poduzme sve aktivnosti u cilju pripreme i nastavka I konstituirajuće sjednice.

Tačka 2. Izbor i imenovanje članova Izvršnog odbora UPFBiH:

Predsjedavajući je ukratko obavijestio prisutne o prijedlozima za imenovanje članova Izvršnog odbora UPFBiH.

U skladu sa Statutom UPFBiH, predsjednik i dva potpredsjednika Upravnog odbora su po funkciji i članovi Izvršnog odbora UPFBiH. Uz prethodne napomene za članove Upravnog odbora, s tim u vezi, te uz dodatna pojašnjenja primjene odgovarajućih kriterija za imenovanje, prijedlog je da se za članove Izvršnog odbora UP FBiH imenuje:

- Predsjednik UO UPFBiH po funkciji
- Mujo Hasić, zamjenik predsjednika Upravnog odbora
- Bariša Šušnjar, zamjenik predsjednika Upravnog odbora
- Katarina Kafadar, član
- Berina Bajrović, član
- Salih Lemeš, član
- Džemal Hasković, član

Nakon prezentiranog prijedloga predsjedavajući je pozvao prisutne da daju i eventualne druge prijedloge, a kako nije bilo drugih prijedloga, otvorena je rasprava.

Nakon rasprave jednoglasno je donesen sljedeći zaključak:

A.D. 2.1. Za članove Izvršnog odbora UPFBiH imenuju se :

- **Predsjednik Upravnog odbora (po funkciji)**
- **Mujo Hasić, zamjenik predsjednika Upravnog odbora**
- **Bariša Šušnjar, zamjenik predsjednika Upravnog odbora**
- **Katarina Kafadar, član**
- **Berina Bajrović, član**
- **Salih Lemeš, član**
- **Džemal Hasković, član**

Mandat članova Izvršnog odbora traje četiri godine, odnosno do isteka mandata Upravnog odbora.

Tačka 3. Tekuća pitanja

Pod ovom tačkom dnevnog reda otvorena je široka rasprava članova Upravnog odbora o ključnim pitanjima za rad Udruženja.

Razgovarano je o prioritetima za rad iz Plana rada i Financijskog plana UPFBiH, modalitetima unaprijeđenja realizacije i ciljeva Udruženja, jačanja članstva i naplate članarine i dr, općim pitanjima.

Izuzetne pohvale svih prisutnih za rad i ostvarenja ciljeva Udruženja, afirmisanje Udruženja u javnosti, iskazane su prema dosadašnjem predsjedniku UPFBiH gosp.Adnanu Smailbegoviću, te direktoru Nenadiću i Stručnoj službi Udruženja!

ZAKLJUČAK:

Nakon diskusije, sjednica je prekinuta i dogovoreno je da će se nastaviti u najskorijem periodu, te da će o nastavku I Konstituirajuće sjednice, članovi UOUPFBiH, biće blagovremeno obaviješteni!

Dnevni red – nastavak sjednice (03.09.2025.)

1. Izbor i imenovanje Predsjednika Upravnog odbora UPFBiH

Nastavak sjednice otvorio je Mario Nenadić, direktor Udruženja ističući da je na prošloj sjednici izabran gosp. Mujo Hasića i gosp.Barišu Šušnjar za potpredsjednike Udruženja, što je urađeno nakon višemjesečnih konsultacija tadašnjeg predsjednika i direktora na terenu, širom FBiH. Na isti način, stvorene su pretpostavke i za izbor novog predsjednika Udruženja, te je zamolio gosp. Smailbegovića da izvjesti prisutne.

Adnan Smailbegović je napomenuo prisutnima da je prva konstituirajuća sjednica Upravnog odbora Udruženja poslodavaca u FBiH održana je 22.05.2025.godine. Obzirom da Predsjednik UO tada iz objektivnih razloga nije izabran, zaključeno je da sjednica ostaje otvorena s ciljem izbora novog predsjednika Upravnog odbora. U tom smislu predsjednik, direktor Nenadić-stručna služba zaduženi su da poduzmu sve neophodne aktivnosti u cilju pripreme i nastavka I konstituirajuće sjednice.

Predsjednik je dalje izvijestio da je shodno zaključcima Skupštine i Upravnog odbora sa prethodne sjednice, u saradnji direktorom Nenadićem i dva novoizabrana zamjenika predsjednika, obavio konsultacije sa članovima UO i za današnju sjednicu od strane UO postoji prijedlog kandidata za Predsjednika UO, a to je gosp. Nihad Imširović.

Prilikom predlaganja kandidata za Predsjednika, ispoštovane su odredbe Kriterija za izbor i imenovanje u organe i tijela UPFBiH, kao i odredbe Statuta Udruženja (odredbe 29. i 40).

Predsjednik je ukratko obrazložio prijedlog i istakao sljedeće:

Nihad Imširović je dugogodišnji uspješan privrednik i menadžer s bogatim iskustvom upravljanja i rukovođenja kompanijama u sektoru proizvodnje, distribucije i trgovine. Tokom svoje karijere obavljao je rukovodeće funkcije u nekim od najvećih kompanija u BiH, uključujući Konzum, Klas, Zvijezda, Sarajevska pivara i druge. Diplomirao je na Ekonomskom fakultetu Univerziteta u Sarajevu, a posebno je poznat po uspjesima u restrukturiranju, razvoju i unapređenju poslovanja, te doprinosu razvoju tržišta robe široke potrošnje u BiH.

Član je Udruženja poslodavaca u FBiH od 2016. godine. Dva mandata je bio član Upravnog odbora Udruženja poslodavaca u FBiH, kao i Udruženja poslodavaca Kantona Sarajevo. Također je predsjedavao Grupacijom trgovaca pri UP FBiH i bio aktivan član radnih grupa i tijela Udruženja gdje je dao značajan doprinos u oblikovanju stavova i inicijativa u oblasti privrednog razvoja. Od 2022. godine član je i Ekonomsko-socijalnog vijeća Kantona Sarajevo.

Nakon toga direktor Nenadić je otvorio diskusiju. U diskusiju su učestvovali svi prisutni koji su podržali prijedlog i obzirom da nije bilo novih prijedloga pristupilo se glasanju.

Nakon glasanja donesen je **ZAKLJUČAK**:

A.D. 1.1. Za predsjednika Upravnog odbora Udruženja poslodavaca u FBiH, jednoglasno je izabran gosp. Nihad Imširović.

Direktor Mario je čestitao novoizabranom predsjedniku gosp. Nihada Imširović, poželio mu uspješan rad na čelu Udruženja i pozivao preuzme funkciju.

Prije formalne zamjene mjesta, u ime Udruženja i u svoje lično ime, direktor Mario je uputio zahvalnost dosadašnjem predsjedniku Adnanu Smailbegović za posvećen rad i doprinos razvoju, profesionalizaciji i prepoznatljivosti Udruženja. Istaknuto je da se očekuje njegov daljnji angažman i doprinos u stručnim tijelima Udruženja.

Nakon toga izvršena je zamjena mjesta, te je novoizabrani predsjednik Imširović preuzeo vođenje sjednice.

Predsjednik Imširović zahvalio se članicama i članovima Upravnog odbora na ukazanom povjerenju i imenovanju na odgovornu i izazovnu dužnost predsjednika Udruženja. Posebno

je zahvalio dosadašnjem predsjedniku Adnanu Smailbegoviću i direktoru Mariju Nenadiću na podršci u postupku kandidovanja i imenovanja, kao i svim članovima koji su dali povjerenje.

Naglasio je da njegov angažman u Udruženju traje više od deset godina, te da će nastaviti kontinuitet posvećenog rada, uz predstavljanje vlastite vizije prioriteta do kraja godine. Naveo je da će sve aktivnosti biti u skladu s usvojenim Programom rada Udruženja, potvrđenim na Skupštini u aprilu 2025. godine.

Predsjednik je istakao da, iako postoje brojni objektivni i subjektivni utjecaji na realizaciju planiranih aktivnosti, ključni izazov predstavlja rad u predizbornoj godini i napete političke okolnosti. Naglasio je da poslodavci trebaju tražiti najbolja rješenja za unapređenje poslovnog okruženja, posebno u vezi s nekoliko ključnih pitanja koja će biti prioritet rada Udruženja u narednom periodu.

Također predstavio je prioritetne aktivnosti na kojima će se posebno insistirati. Ključnim pitanjima za poboljšanje poslovnog okruženja :

- Nastavak fiskalne reforme i usvajanje fiskalnih propisa (Zakon o finansijskim transakcijama u FBiH i Zakon o izmjenama i dopunama Zakona o doprinosima su prioritetni propisi koji bi osigurali značajnije rasterećenje poslodavaca u pogledu visine doprinosa koje trenutno plaćamo. Nastaviti dijalog sa Vladom i kroz Ekonomsko socijalno vijeće insistirati da se ispoštuju dogovoreni rokovi ovog dijela reforme)
- Nastaviti sa reformom radno-pravnog zakonodavstva kroz usvajanje Zakona o posredovanju u zapošljavanju i socijalnoj sigurnosti nezaposlenih osoba i reforme u posredovanju u zapošljavanju i evidencijama nezaposlenih osoba (razdvajanje evidencija aktivnih i pasivnih tražilaca posla i posebno unaprjeđenje evidencija nezaposlenih osoba za ostvarivanje zdravstvenog osiguranja i drugih prava) i Zakon o zapošljavanju stranaca, te usaglašavanje novog Zakona o radu u FBiH.
- Realizirati Izmjenu Zakona o zdravstvenom osiguranju (smanjenje tereta bolovanja na račun poslodavaca, pitanje odgovornosti i troškova za povrede na radu i dr.).
- Sudjelovanje u pripremi izmjena i dopuna Zakona o unutrašnjoj trgovini i donošenje Zakona o kontroli cijena i Zakona o zaštiti potrošača.
- Sudjelovati i podržati kantonalne organizacije poslodavaca u pripremi i usvajanju propisa iz nadležnosti kantonalnog nivoa vlasti s ciljem poboljšanja poslovnog okruženja.
- Kontinuirano raditi na unaprjeđenju ekonomsko-socijalnog dijaloga kroz rad Ekonomsko socijalnog vijeća posebno u primjeni propisa i Odluka vezano za minimalnu platu za 2026. godinu, unaprjeđenje kolektivnog pregovaranja sa sindikatima i pripremu propisa od značaja za poslodavce.
- Pitanje cijene električne energije za privredu u FBiH i unaprjeđenje sistema proizvodnje, prodaje i korištenja električne energije iz obnovljivih izvora i CBAM politike i propis
- Usklađivanje sistema obrazovanja sa potrebama tržišta rada u saradnji sa nadležnim Federalnim i kantonalnim ministarstvima, službama za zapošljavanje i Federalno zavodom za zapošljavanje ;

Pored aktivnosti na federalnom nivou do kraja godine potrebno je raditi i na doradi propisa na nivou BiH :

- Zakon o električnoj energiji na nivou BiH (uspostava berze električne energije, rješavanje CBAM)
- Zakon o izmjenama i dopunama Zakona o porezu na dodati vrijednost BiH
- Propisi iz oblasti zapošljavanja stranaca u BiH i donošenje Odluke za utvrđivanje kvota za uvoz radne snage
- Inicijativa za dopunu Odluke o privremenoj suspenziji i privremenom smanjenju carinskih stopa kod uvoza određenih roba do 31.12.2025. godine.
- Pojednostavljenje carinskih i špediterskih procedura I dr.

U pogledu rada samog Udruženja potrebno je nastaviti rad na omasovljenju članstva, jačanju operativnih kapaciteta kroz jačanje baze podataka u članstvu, pružanje novih usluga članstvu, plaćanje članarine, jačanje konekcija sa kantonalnim i granskim grupacijama, razvoj web stanice, PR aktivnosti i dr.

Na kraju je istakao da u svom radu očekuje podršku svih članova UO, a posebno potpredsjednika gosp. Muje Hasića i Bariše Šušnjara, članova Izvršnog odbora, te predsjednika granskih i teritorijalnih organizacija, a posebnu podršku očekuje od Stručne službe na čelu sa direktorom Nenadićem.

Direktor Nenadić je nakon obraćanja predsjednika zaključio sjednicu i pozvao novoizabranog Predsjednika da preuzme funkciju i otvori II sjednicu UO.

Sjednica završena u 13:30 sati

Zapisnik vodila: Mersiha Jusić

Predsjednik UO

Nihad Imširović

Predsjedavajući Upravnog odbora

Mario Nenadić, direktor